



Synfocity = 970

mail us at : mzsynfo@gmail.com; mizoramsynod@gmail.com - Phone - 2314648

January 30, 2025

❑ Women Centre-a zir tur kum 2025 Batch hawn a ni

January 24, 2025 (Zirtawpni) chhun dar 12:30 khan Women Centre, Phunchawnga zir tur hawnna inkhawm neih a ni.

Programme hi Pi Sailuti, Ex-Chairman-in a kaihrui a. Pi H. Lalfakmawii, General Secretary-in inhmelhriattirna hun a hmang a, Pi R. Lalrinpuui, Women Centre Superintendent-in Hostel Rules chungchang inhrilh hriatna hun a hmang a, Rev. Dr. K. Lallawmzuala, Executive Secretary i/c Kohhran Hmeichhiain zir turte fuihna hun a hmang a ni. Women Centre-a zir tur te hi puan thui zir tur an ni a, zirlai 50 an awm a, zir hun chhung hi kum khat a ni. Kohhran Hmeichhe Rorel Inkhawmin a rel angin kum 2024 atangin Puanthui zir chhuakte hi puanthui khawl pek an ni. Women Centre-ah hian Superintendent pakhat, zirtirtu pahnih leh staff pahnih, an vaiin thawktu panga an awm mek a ni.

Women Centre hi Kohhran Hmeichhe enkawl a ni a, hmeichhe dinhmun harsa leh khawsakna lama tanpui ngaite chawi kanna atana din a ni. Kum 2016 atang khan Puanthui zirna tan a ni a, mi eng emaw zatin an zir chhuak tawh a, kum 2017 atangin Puantah zirna tih belh niin, mi eng emaw zatin an zir chhuak tawh bawk.

❑ Pro. Pastor Orientation

January 28-31, 2025 chhungin Synod Conference Centre, Mission Vengah Pro. Pastor Orientation Programme neih mek a ni.

Orientation programme hi January 28 (Thawhlehi) zan khan hawnna inkhawm neih niin Synod Moderator, Rev. R. C. Lalngakliana hnen atangin inlawmna leh Keynote Address ngaihthlak a ni.

Orientation chhung hian subject hrang hrang - Church Administration chungchang te, Pathian Biak Inkhawm chungchang te, Synod Rules & Regulation chungchang te leh rawngbawlina atana tangkai tur thupui hrang hrang mi thiamten an zirtir a ni. January 31 (Zirtawpni) zan hian OM te nen inkawm hona neihin Orientation programme hi khar zui nghal a ni ang.

Tun tum Orientation programme-ah hian Pro. Pastor 16 an tel a, Mission Field hnuaia Pro. Pastor-te chuan Field Secretary kaihhruinain anmahni huam chhungah Orientation an nei thung a ni. Pro. Pastor Orientation hi Pro. Pastor lak tharte tan kum tina buatsaih thin a ni.

❑ KTP

♦ January 23, 2025 (Ningani) khan Chanmari Pastor Bial KTP Golden Jubilee lawmna hmanpuuin Central KTP committee member-te, Nl. F. Lallianzuali leh T.Upa Lalremsiama Khiangte te an kal a, Mizoram Synod Choir-te an zai bawk.

♦ January 24, 2025 (Zirtawpni) chawhnu dar 2:00 khan P&E Minister, F. Rodingliana room MINECO-ah, State Day (February 20) lawmna programme pakhat 'Prayer Day' chungchang sawi ho tura Kohhran Thalai pawl hrang hrangte sawm an nih angin, Central KTP aiawhin Pu F. Lalremruata, Fin. Secretary leh Committee member-te, Pu H. Zosangliana leh T.Upa Lalremsiama Khiangte te an tel.

❑ Chhim Area Committee

January 30, 2025 (Ningani) hian Lungleiah Chhim Area Committee neih a ni a, Rev. R.C. Lalngakliana, Moderator; Upa Vanlalsawma Siakeng, Synod Secretary; Rev. R. Lalmingsanga, Mission Board Secretary; Rev. V.L. Luaia Hranleh, Senior Executive Secretary leh Committee member-te, Rev. Ramnghinglova, Upa C. Lalmuankima te an kal.

❑ Trust

♦ January 29-30, 2025 chhung hian Lunglei Chanmari Pastor Quarters ram en felin Pu Lalramenga Royte, J.E a kal.

♦ January 30-31, 2025 chhung hian Champhai Rescue Home Director Quarters en felin Pu Lalhriatrenga, J.E a kal.

❑ **Mizoram Christian College (MCC)**

- ♦ January 2-10, 2025 chhung khan Management Department chuan Industrial Visit neiin Kolkata-ah hun an hmang a, an zirna atana tangkai tur hmun hrang hrang an tlawh kual a, zirtirtu pahnih leh zirlai pariat an kal.
- ♦ January 7-14, 2025 chhung khan Commerce Department 6th Semester zirlaite pawhin Industrial Visit neiin Kolkata-ah hun an hmang ve bawk a, zirtirtu pahnih leh zirlai paruk an kal.
- ♦ January 24, 2025 (Zirtawpni) khan Planning & Programme Implementation Department, Govt. of Mizoram buatsaihin Vanapa Hall-ah 'Chief Minister Bana Kaih Innovation Challenge' hun hmanaa tel tura sawm an nih angin MCC zirtirtu panga leh zirlai 28 an kal.
- ♦ January 24, 2025 (Zirtawpni) khan Political Science Department chuan an Department room-ah kum 2025 atana Peractio Course hawna hun an hmang. He hunah hian thusawitu, Gospel Biakhmingmawia, Proprietor, Gospel Aluminium-in 'Small Business Startup' tih thupui a sawi a ni.
- ♦ Commerce Department-a 2nd Semester zirlai Lalhriatzuali, D/o R. Vanlalsawma, Thenzawl Bazar Veng chu January 2025 kar tawp lama Indian Council for Child Welfare (ICCW)-in Bravery Award 2024 a pek tur zingah thlan tel a ni a, MCC zirlai zingah India ram pum huapa 'Huaisen Chawimawina' dawng thei an awm hi a lawmawm hle. Lalhriatzuali hian June 2024 khan a u ei rawngbawl chu current-in a man tih a hmuh chuan a ke-ah pawtin, ani pawh current-in a man tel ve deuh nghe nghe a. Chumi hnuah a u chu thlahin a T-shirt-ah a pawt leh a, a chhan chhuak ta a ni.

❑ **Synfo**

January 30, 2025 (Ningani) khan Thenzawlah Kohhran Hmeichhe Inkhawmpui Lian neihna tur Pandal-a video coverage dan tur en felin Pu H. Lal̄tanpuia leh Pu David Lalruattluanga te an kal.

❑ **Finance**

February 1, 2025 (Inrinni) hian Chanmari Kohhranah Accounts Training neihpui turin thawktute, Upa Lalrosanga Kawlni leh Upa Vanlalrawna Khiangte te an kal ang.

❑ **MSSU**

February 1, 2025 (Inrinni) hian Zemabaw South Kohhranah Sunday School zirtirtu training neihpui turin trainer-te, Upa C. Lalbiaksanga leh Upa R. Lalmuanpuia te an kal ang.

❑ **Social Front**

February 1, 2025 (Inrinni) hian Kawnpuiah Tuihna, Ramngaw leh Nungcha Humhalh Seminar neihpui turin Dr. Lalbiakmawia Ngente, Campaigner a kal ang.

❑ **Synod Mission Board**

♦ **Patna Mission Field**

January 26, 2025 (Pathianni) belhtu thar panga an awm.

♦ **Odisha Mission Field**

January 26, 2025 (Pathianni) khan belhtu thar pakhat a awm.

♦ **Jharkhand Mission Field**

January 26, 2025 (Pathianni) khan belhtu thar pakua an awm.

♦ **Delhi Mission Field**

January 26, 2025 (Pathian) khan belhtu thar pahnih an awm.

♦ **Arunachal & Assam Mission Field (North)**

January 26, 2025 (Pathianni) khan belhtu thar pakhat a awm.

♦ **Arunachal & Assam Mission Field (East)**

January 25, 2025 (Inrinni) khan belhtu thar paruk an awm.

♦ **Arunachal & Assam Mission Field (West)**

January 26, 2025 (Pathianni) khan belhtu thar pathum an awm.

❑ **FM Zoawi - Aizawl & Lunglei : Hruaina Eng Radio Programme**

January 31, 2025 (Zirtawpni) @ 7:30 p.m. :

Solo : Lalhmingchhuangi - Sawi nawn leh rawh, **Zaipawl :** Electric Veng Bial Zaipawl - Lalnunnema,

Thusawi : Upa Bonny Lalrindika (L) - Thalaite pawimawhna, **Solo :** Lalmuankimi - Immanuel,

Rawngbawl Reports

❑ **Hruaina Eng TV Programme**

30.1.2025 (Ningani)	8:30 pm	: Thupui zir bing
31.1.2025 (Zirtawpni)	5:00 pm	: Kristian Naupang Pual
01.2.2025 (Inrinni)	5:30 pm	: Puitling Sunday School Zirlai
02.2.2025 (Pathianni)	8:00 am	: Weekly round up
	5:30 pm	: Su Samachar Prasaran
03.2.2025 (Thawhtanni)	8:30 pm	: Hruaina Eng luang chhuak - Rev. B. Lalnghakliana
04.2.2025 (Thawhlelni)	8:30 pm	: Kohhran Chanchin - Chaltlang Kohhran

❑ **Moderator leh Executive Secretary-te Programme:**

Rev. R.C. Lalnghakliana : Moderator

February 1-2, 2025	Sakawrdai Bial
February 5, 2025	Synod Mission Board
February 6, 2025	Synod Hospital Board

Rev. V.L. Luaia Hranleh : Senior Executive Secretary

January 31, 2024	Revival Committee leh Pro. Pastor Orientation
February 2, 2025	Zohmun Kohhran
February 8-9, 2025	Dawrpui Bial Kohhran Hmeichhe Inkhawmpui

Rev. Dr. K. Lallawmzuala : Executive Secretary

January 30, 2025	Pro. Pastor Orientation
February 5, 2025	Synod Mission Board
February 6, 2025	Synod Hospital Board
February 7-9, 2025	Kawnpui Chhimveng Bial Kohhran Hmeichhe Inkhawmpui

Rev. Dr. Rosiamliana Tochhawng : Executive Secretary

January 30, 2025	Pro. Pastor Orientation
February 5, 2025	Synod Mission Board

February 4-a Service Board leh ni 7-a Synod Trust Committee-ah Moderator leh Executive Secretary-te an tel ang.

MPC SIKULPUI (Mizo Medium, Mipa Sikul) ADMISSION

NEW ADMISSION 2025-2026 : Admission Form lak chhuah & theh luh theih hun:

- 1) 'A' Pawl : January 20-24, 2025 (10:00 am – 2:00 pm)
Interview : January 27, 2025 (9:30 am)
- 2) Pawl 2 -7 : February 17-March 4, 2025 (10:00 am – 2:00 pm)
Selected List tar chhuah hun : March 5, 2025 (2:00 pm)

Sd/-

Headmaster,
Sikulpui Phone: 9436152024

SYNOD REVIVAL HRIATTIRNA

February 4-8, 2025 chhung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu CMS Dawngkima, Jeriko Operation Team a ni ang. Camping Fee mi pakhat tan ₹ 100/- a ni a, mutbu bakah Bible, Hla bu, Pen, Note bu ken tur a ni. Ruih theih thil ken luh phal a ni lo a. Mobile Phone pawh ken luh phal a ni lo. Thawhlelniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

